


Potvrđena optužnica protiv pet lica lišenih slobode u operativnoj akciji “RAPID”

Dana, 19.12.2024. godine, Kantonalni sud u Sarajevu potvrdio je optužnicu Kantonalnog tužilaštva Kantona Sarajevo protiv Adnana Vuka, Maida Maslaka, Omera Čolakovića, Armina Husića i Zije Novalića zbog postojanja osnovane sumnje da su počinili krivično djelo “Neovlaštena proizvodnja i stavljanje u promet opojnih droga” iz člana 238. stav 2. KZ FBiH u sticaju s produženim krivičnim djelom “Neovlaštena proizvodnja i stavljanje u promet opojnih droga” iz člana 238. stav 1. KZ FBiH u sticaju s krivičnim djelom “Nedozvoljeno držanje oružja ili eksplozivnih materija” iz člana 371. stav 1. KZ FBiH, odnosno “Nedozvoljeno držanje oružja i municije” iz člana 74. Zakona o nabavljanju, držanju i nošenju oružja i municije Kantona Sarajevo sve u vezi s članom 55. i 54. KZ FBiH

Optuženi Maid Maslak i Adnan Vuk se terete da su u vremenskom periodu od novembra 2023. godine do 26.6.2024. godine na području Kantona Sarajeva djelovali kao organizovana grupa ljudi u cilju učinjenja krivičnog djela “Neovlaštena proizvodnja i stavljanje u promet opojnih droga” iz člana 238. stav 1. KZ FBiH, te na taj način radi prodaje proizvodili, prerađivali, a potom držali, prenosili i prodavali opojnu drogu “Amfetamin”. Naime, optuženi su kao organizatori grupe vršili proizvodnju i preradu opojne droge “Amfetamin”, te je distribuirali ostalim članovima grupe koji su se sastajali s konzumentima na dogovorenim lokacijama radi krajnje prodaje opojne droge. Organizatori grupe su koristeći različite modalitete komunikacije (telefonski, putem raznih mobilnih i internet aplikacija) također dogovarali i vršili prodaju droge krajnjim korisnicima.

Optuženi Adnan Vuk, Maid Maslak, Omer Čolaković, Armina Husić i Zijo Novalić terete se i za krivično djelo “Nedozvoljeno držanje oružja ili eksplozivnih materija” iz člana 371. stav 1. i stav 2. KZ FBiH i krivično djelo kažnjivo po Zakonu o nošenju i držanju oružja i municije Kantona Sarajevo.

Podsjećamo podizanju optužnice prethodila je policijska akcija Federalne uprave policije, Odjeljenja za borbu protiv zloupotrebe droga, kodnog naziva “RAPID”, koju je ova Uprava provodila pod nadzorom Kantonalnog tužilaštva Kantona Sarajevo, pri čemu je asistenciju pružila i Obavještajno-sigurnosna agencija BiH, u sklopu koje su optuženi, u junu 2024. godine lišeni slobode, kada im je određen istražni pritvor, te su se nalazili u pritvoru do podizanja optužnice. Postupajuća tužiteljica Kantonalnog tužilaštva Kantona Sarajevo je uz optužnicu istovremeno stavila prijedlog da se pritvor, protiv peterice optuženih produži i nakon potvrđivanja optužnice, a koji prijedlog će razmatrati Kantonalni sud u Sarajevu. Rezultat višemjesečne istrage je pronalazak i zapljena do sada najveće količine opojne droga cca 75 kilograma „Amfetamina-Speed“, 1515 komada tableta – Ecstasy, 914,23 grama MDMA, 13,690 litara Amfetaminskog ulja, od kojeg se prema nalazima moglo proizvesti do 100 kg opojne droge „Amfetamina-Speed“, naoružanja i municije, telefona, veće količine ulja. Kantonalno tužilaštvo je predložilo oko 200 materijalnih dokaza te izjava više svjedoka.



ZADNJE VIJESTI

[Odluka o izboru najpovoljnijeg ponuđača za javnu nabavku i isporuku videosistema za identifikaciju](#)

[Odluka o izboru najpovoljnijeg ponuđača za javnu nabavku klima uređaja](#)

[Odluka o izboru najpovoljnijeg ponuđača za javnu nabavku torbe za transport eksplozivne naprave](#)

KALENDAR

December 2024						
M	T	W	T	F	S	S
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

« Nov